



Bosnia and Herzegovina
Federation of Bosnia and Herzegovina
CANTON SARAJEVO
Ministry of Internal Affairs

Broj: 01-11-4-776

Datum: 05.02.2021. godine

Na osnovu člana 21. stav (3) tačka (c) Zakona o unutrašnjim poslovima Kantona Sarajevo („Službene novine Kantona Sarajevo, broj 1/16, 26/19, 31/19 i 39/20), član 17. stav (1) Zakona o javnim nabavkama Bosne i Hercegovine („Službeni glasnik Bosne i Hercegovine broj 39/14)”, ministar unutrašnjih poslova Kantona Sarajevo, d o n o s i:

POSEBNU ODLUKU
o pokretanju postupka javne nabavke

I

Odobrava se pokretanje postupka javne nabavke proizvoda za čišćenje za potrebe Ministarstva unutrašnjih poslova Kantona Sarajevo.
JRJN – 39830000 – Proizvodi za čišćenje

II

Procijenjena vrijednost nabavke iznosi do 6.000,00 KM bez PDV-a.

III

Novčana sredstva za plaćanje nabavke osiguravaju se Budžetu Kantona Sarajevo za 2021. godinu („Sl. novine Kantona Sarajevo“ broj 5/21).

IV

Za provođenje postupka nabavke iz člana I ove Odluke zadužuje se Sektor komercijalnih poslova Ministarstva unutrašnjih poslova Kantona Sarajevo.

V

Ova Odluka stupa na snagu danom donošenja.



Obrazloženje

Posebnu odluku o pokretanju postupka javne nabavke je potrebno donijeti na osnovu usvojenog Budžeta Kantona Sarajevo za 2021. godinu koji je objavljen 04.02.2021. godine („Sl. novine Kantona Sarajevo“ broj 5/21), a s obzirom da još nije donesen plan nabavki Ministarstva unutrašnjih poslova Kantona Sarajevo za 2021. godinu.

Naime, na osnovu Odluke broj 01-11-4-2519 od 14.05.2020. godine i Obavještenja o nabavci broj 1364-1-1-43-3-40/20 od 10.06.2020. godine pokrenut je otvoreni postupak nabavke higijensko potrošnog materijala za potrebe Ministarstva unutrašnjih poslova Kantona Sarajevo.

Međutim, zbog uložene žalbe od strane ponuđača postupak još uvijek nije okončan, a obzirom na situaciju pandemije virusa COVID-19, potrebno je obezbijediti pojačanu čistoću i dezinfekciju radnog prostora koji koristi ogroman broj uposlenika Ministarstva unutrašnjih poslova Kantona Sarajevo, kao i veliki broj stranaka koje cirkulišu kroz sve objekte Ministarstva unutrašnjih poslova, pa je u cilju nesmetanog funkcionisanja Ministarstva, potrebno provesti navedeni postupak kako bi se izvršila nabavka osnovnih proizvoda za održavanje higijene prostora, kako bi se privremeno prevazišla novonastala situacija.

Imajući u vidu naprijed navedeno riješeno je kao u dispozitivu.

Istraživanja tržišta je izvršeno na bazi jediničnih cijena, a procijenjena vrijednost je makimalno dozvoljena po Zakonu o javnim nabavkama BiH za ovu vrstu postupka, zbog opravdanih potreba.



DOSTAVITI:

1. Sektor komercijalnih poslova,
2. Kabinet ministra, stručni savjetnik za odnose s javnošću i
3. a/a.



web: <http://mup.ks.gov.ba>
e-mail: ministar@mup.ks.gov.ba
Tel: + 387 (0)33 286-701, 286-702,
Fax: + 387 (0)33 226-445
Sarajevo, La Benevolencije 16

